



## **Aningaasaqarnermut Akileraartarnermullu Naalakkersuisoq**

**Ulloq:** 11. december 2017  
**J.nr.:** 01.31.06/17-00777

### **Aningaasaqarnermut Akileraartarnermullu Ataatsimiititaliap tallimangornermi ulloq 8. december 2017-imi aalajangiineranik Naalakkersuisunut ilisimatitsineq.**

**Kontumit pingaarnermit 40.40.01 Ilinniartitaanermit Aqutsisoqarfik-miit kontumut Qimminik akiuussutissalersuinermit pilersaarutininut atugassanngortitanik aningaasaliissutinik atorneqanngitsunik nuussisinnaatitaaneq pillugu kissaateqarluni ilassutitut aningaasaliissutissanik qinnuteqaat. - Suliaq nr. 01.31.06/17 - 00777.**

”Naalakkersuisut inassutigaat,

ilanngussaq 1 naapertorlugu konto pingaarneq 50.01.01-imut, Aalisarnermut Piniarnermullu Naalakkersuisoqarfimmut, oqaasertaliussanik ilanngussisoqassasoq”

### **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Aallarniutigalugu Naalakkersuisunut eqqaasitsissutigineqassaaq oqaasertaliussat annertussiat, missingersuusiortarnermut malittarisassani allassimanera naapertorlugu sapinngisamik killilersimaarneqartariaqartut.


Ajornartorsiutip qanoq annertutiginera Naalakkersuisunit qinnuteqaammi ilisimatitsissutigineqarsimangilaq. Oqaasertaliussassaaq kissaatigineqartoq kontumut pinaarnermut 50.01.01-imut Aalisarnermut piniarnermullu Naalakkersuisoqarfimmut, 27.435.000 kr-inik immikkoortitsivigineqarsimasumut tunngasuuvoq. Kontumut pingaarnermut missingersuutininut takussutissiami erserpoq 2017-imut tapiissutit 4,5 mio. kr-iusut nersutit nakorsaannik nutaamik atorfinitsitsinermit, nalunaaqutsersuinermit, qimmillu qimuttut savallu qimmiisa 18.000-it pingasoriarlugit akiuussutissamik kapoorneqarnissaannut kiisalu ilinniartitsinermit innuttaasunut paasissutissiinissamut atorneqarniartut. Aningaasaliissutit taakku ilaat qassit akiuussutissalersuinermit atorneqarnissaat Naalakkersuisunit ilisimatitsissutigineqanngilaq. Assersuutigalugu 2018-imut Aningaasanut Inatsisissatut siunnersuummi erserpoq akiuussutissalersuinissamut 2018-imut 1,8 mio. kr-inik aningaasaliisoqarsimasoq. Maannakkut decembariummat aningaasaliissutit ilaat qanoq amerlatigisut atorneqanngitsoornissaat nalilersussallugu Naalakkersuisunut ajornarnaviarunannikkaluartoq ataatsimiititaliap isumaqarpoq.

Aammattaq Naalakkersuisunit saqqummiussami erserpoq suliaq manna ulloq 2. november 2017-imi ilisimaneqareersimasoq. Taamaammat 2018-imut Aningaasanut Inatsisissamut siunnersuutip suliarineqarneranili suliap matuma ilanngutsinneqarsinnaanera Naalakkersuisunut ajornarsimannikkaluarpog. Peqatigitillugu pisariaqartitsineq tigussaasumik pilissagaluarpat, Naalakkersuisut ukiumut aningaasaliiffiusumut 2018-imut ilassutitut aningaasaliissutissanut qinnuteqaammik saqqummiussinerisigut ajornartorsiut iluarsivigineqarsinnaagaluarpoq. Iluarsiiisuttip kingulliup taaneqartup atorneqarnissaa ataatsimiititaliap kaammatt-

tuutigissavaa. Tamanna akiuussutissalersuinnermut sunniteqarnaviangitsoq ataatsimiititaliaq isumaqarpoq.

**Aningaasaqarnermut Akileraartarnermullu ataatsimiititaliap aalajangiinera**  
Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqanngilaq.**

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua